

DISSERTATIO MEDICA

INAUGURALIS,

QUAEDAM

DE

APOPLEXIA SANGUINEA

COMPLECTENS.

DISSERTATIO MEDICA
QUAEDAM
DE
APOPLEXIA SANGUINEA

COMPLETENS

QUAM

ANNUNTIAT NUNTIUM NUNTIUM

EX ACADEMIA MEDICA SINGULI ACADEMIA VIRT

D. GEORGIUS HARRIS, M.D., S.S.T.P.

ACADEMIAE MEDICAE SINGULI ACADEMIA VIRT

INAUGURATIO

GEORGIUS

AMPLISSIMI SENATUS ACADEMIAE CONSENSU, ET

QUAEDAM

NOBILISSIMAE FACULTATIS MEDICAE DECRETO

P. D. GEORGIUS HARRIS, M.D., S.S.T.P.

Digitized by the Internet Archive
in 2020 with funding from
Wellcome Library

CAROLUS GUILLIEMUS WEICHMANN

ANGLO-BRITANNICA

—

—

Ad Caesarem Augustum, Imperatorem Romanorum

—

EDINBURGH

RECUERDANTUR NUNTIUM NUNTIUM

—

WIDGOWAN

12
DISSERTATIO MEDICA,
QUAEDAM
DE
APOPLEXIA SANGUINEA

COMPLECTENS ;

QUAM,

ANNUENTE SUMMO NUMINE,

EX AUCTORITATE REVERENDI ADMODUM VIRI,

D. GEORGII BAIRD, SS. T. P.

ACADEMIÆ EDINBURGENÆ PRÆFECTI ;

NECNON

AMPLISSIMI *SENATUS ACADEMICI*, CONSENSU, ET

NOBILISSIMÆ *FACULTATIS MEDICÆ* DECRETO ;

Pro Gradu Doctoris,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS ;

ERUDITORUM EXAMINI SUBJICIT

CAROLUS GUALTERUS WELCHMAN,
ANGLO-BRITANNUS.

Quod potui, feci.

Ad Calend. Augusti, horâ locoque solitis.

EDINBURGI:

EXCUDEBANT NEILL ET SOCII.

MDCCCXVII.

PATRI CARISSIMO,

EDVARDO WELCHMAN,

ARMIGERO,

APUD KINETON,

IN COMITATU WARWICI,

ARTEM CHIRURGICAM FELICISSIME FACIENTI,

S. P. D.

Nulli, Carissime Pater, tam ritè quàm tibi, qui ab aetate primâ hucusque, cum curâ verè paternâ me fovisti, studiorum meorum primitiae dedicari queant : Hoc, igitur, tentamen, heu ! beneficiorum eximiorum multorum leve pignus ! sed animi in te semper grati, et, quocunque terrarum hospes deferar, pietatis haud unquàm immemoris, praestaturi, testimonium, accipias oro.

Multos annos vivas et valeas, aurae felices tibi semper afflent, serusque in coelum redeas, spero et imo ex corde voveo. Vale.

TATNI CARISSIMO

EDUARDO WELCHMAN
DISECTATIO MEDICA

ARMIGERO
IN AUSTRIALIS

APUD KINETON

STATION

IN COMITATU WARWIC

84

APOTHEXIA SANGUINEA

S. P. D.

COMPLECTENS

Nulli Comamine Part, non rite quia illi qui ab oculis
primis hunc ~~non rite quia illi qui ab oculis~~
C. G. WELCHMAN Auctore
~~non rite quia illi qui ab oculis~~
et non in de amper grati, et quoniam hunc hunc
de hunc, hunc hunc hunc hunc hunc hunc hunc hunc
HISTORIA MORBI

Morbus de quo non rite quia illi qui ab oculis
in animo est, sed non
fuit hunc hunc hunc hunc hunc hunc hunc hunc
quidem omnes hunc hunc hunc hunc hunc hunc hunc hunc
Apoplexie succubisse a hunc hunc hunc hunc hunc hunc hunc hunc

DISSERTATIO MEDICA
INAUGURALIS,
QUAEDAM
DE
APOPLEXIA SANGUINEA
COMPLECTENS.

C. G. WELCHMAN Auctore.

HISTORIA MORBI.

MORBUS, de quo pauca hisce in paginis agere in animo est, saepe sine dubio occurrit ; sed non tam frequenter quàm vulgò putetur : quandoquidem omnes ferè morte subitaneâ correpti Apoplexiae succubuisse a populo dicuntur, quam-

vis plurima mala, quibus eorum interitus ritè tribueretur, existere possint, veluti magni vasis ruptio, vel materia vomicae in pulmones aut in asperam arteriam sic effusa, ut suffocatio illicò excipiat, et similia, quae apoplexiam mortis intempestae non causam fuisse monstrant.

Siquando sensus et motus voluntarius plùs minùsve deficient, cum sopore, simulque motu cordis, et respiratione adhuc perstantibus, (quae tamen nonnihil plerumque laedantur), Apoplexia vocatur.

Plerisque in exemplis morbus subitò et sine ullo praenuncio aggreditur; et homo, vel statim animam edit, vel vitam per paucos tantùm dies miserrimè terit. Haud rarò, autem, multa indicia satis manifesta ejus accessum praedicant, quae, ut a malo, et naturâ et effectibus tam gravi et lethali praecaveatur, attentionem medici maximo jure sibi vindicant; etenim si reverà supervenerit, vix ad eum prorsus depellendum, paralysi nimirum cujusdam corporis partis permanente, unquam valere possumus.

Haud

Haud absimile esse videtur, sanguinis impetum caput versus auctum, speciem apoplexiae efficientem, eos qui a podagrâ laborantes repentinò mortui fuerint, jugulâsse.

Apoplexia saepe haereditaria existit, senioresque potiùs, scilicet annos quadraginta et plures natos, quàm juniores afficere reperitur; etiamsi hi ne incolumes quidem evadent, dummodò proclivitas fuerit magna, et validae causae excitantes adhibitae, et saepenumèrò repetitae. Obesi quoque, et habitûs corporis pleni, parum se exercentes, cibo lauto et multo meracis potûs utentes, iique, quibus vultus tumidus, caput magnum et cervix perbrevis sunt, magis huic morbo objiciuntur.

Affectiones animi, et mentis vires plurimum semper ferè mutantur et laeduntur, hocque in statu diù manent, postquàm symptomata maximè urgentia superata fuerint. Memoria imprimis adeò imminuta est, ut res in mente sana impressionem validissimam et satis diuturnam facturaturas

turas aegrotus reminisci nequeat; et conditio demum a fatuitate haud multum remota frequentius inducta fuit.

Sensus externi quoque, praesertim visus, tactusque, una cum loquelaе facultate, saepe minuantur, vel nonnunquam omnino desunt.

Si aliquis unam accessionem experiatur, ut ad reditum posthac maxima proclivitas inducatur, satis superque docuit experientia; et aeger ab accessu tertio, vitam salvam evadere rarissime observatus fuit.

Illum igitur, qui periculum semel effugerit, ab omni causa excitante maximam cum cura praecavere valde oportet; quippe quia aberratio vel levissima, a solito vitae genere temperato in magnum discrimen eum adducere possit.

Apoplexiae apud Doctorem CULLEN definitio haec est: " Motus voluntarii ferè omnes immi-

" nuti,

dimuti, cum sopore plùs minùs profundo, super-
“stite motu cordis et arteriarum.” Speciei au-
tem Sanguineæ apud eundem sic invenimus;
“Apoplexia, cum signis plethoræ universalis et
“præcipuè capitis.”

Signa benè multa, et peculiaria, ut suprà dic-
tum est, hunc morbum præcedunt, quorum
pauca hìc enumerare liceat.

Dolor imprimis capitis frequens, sanguinis ad
faciem fluxus, ejusque e naribus et e venis hæ-
morrhoidalibus profluvia, quæ in corpore ple-
thoram manifestè ostendunt.

Nausea, vomitus, flatûs eructationes, aliaque
dyspepsiae indicia, haud rarò prænuncia spectan-
tur, quæ nunc a consensu ventriculorum inter et
cerebrum intercedente, nunc ab ipso ventriculo
se malè habente, scilicet usu victûs nimis lauti,
et liquorum spirituosorum vel fermentatorum
debilitato, pendere videntur.

Quidam

Quidam stupor mentem subindè rapiens, et brevi decedens; auriumque tinnitus, vel interdum surditas perfecta; oculorum hebetudo, vel tota, sed perbrevis visûs privatio, aliaque hujus sensûs vitia, veluti muscae volitantes, et visus duplex, et strabismus, quae, vîs retinae imminutae, et musculorum oculi paralyticorum, ideòque ad munera sua parùm valentium, clara testimonia habeantur.

Homines alicujus membri, vel hujus unius musculi, aliquando etiam per aliquot menses ante morbi accessum, torporem sæpè experiuntur.

Oscitatio frequens, debilitas, et ad animi deliquium proclivitas, vertigo, cogitationes vagantes, in iis ad apoplexiam praedispositis occurrentes, attentionem potissimùm semper postulant.

Memoriae defectus interdum tantus est, ut res maximi momenti nullo modo retinere queat.

Hujusmodi

Hujusmodi exemplum Doctor GREGORY, in ejus Praelectionibus eximiis narrat, quandam foeminam tam immemorem fuisse factam, ut neque quot liberos habebat, neque quos eorum nuptos, recordari posset. Dolor etiam, et sensus ponderis vel tensionis per frontem, incubus, manûs tremores, inter indicia apoplexiae instantis characteristicæ recenseri debent.

Siquando balbutiat vel in quâvis corporis parte debilitas sit, vel titubet, vel demùm subitò sine ullâ causâ evidente corruat, plurimum est quod timeamus, et, ut a morbi accessu instante prae-
caveatur, statim consilia capiamus.

Proclivitas hæreditaria, aetas, formaque capitis et cervicis, medici attentionem, ut malum benè praevertatur, rectè omninò vindicant; plûsque adhuc obesitas, plethora vel habitus plenus, quippè quae multò faciliùs sublevari possunt.

Symptomata

Symptomata apoplexiae jam praesentis, alia atque alia quod ad severitatem, diversis in exemplis, se produnt.

Sopor interdum imperfectus est; stupor, scilicet, quodammodo existens, aeger autem adstantium dicta, quamvis in comate profundo esse videatur, distinctè audit et intelligit. Interdum verò perfectus reperitur, neque sentire, neque quidem, stimulantibus vel validissimis, e somno excitari saepè queat.

Motus voluntarius quoque plùs minùs minuitur, nunc in uno latere; nunc in partibus tantùm quibusdam, veluti in musculis oculorum aut oris; nunc demùm totum corpus resolvitur; et quidam singulares casus observati sunt, in quibus muscoli lateris alterius resolvebantur, alterius convellebantur.

Pulsus varius est; vel frequens, validus, plenus et durus; vel tardus, debilis et irregularis; et mutationes multas et magnas saepè, in brevi temporis spatio, patitur.

Inter

Inter medicos plerumque constat, compressionem cerebri modicam semper ferè pulsum celeriore facere, et pressuram valdè auctam effectum prorsùs contrarium praestare.

In quibusdam apoplexiae casibus, facies coloris rubri, interdumque ad lividum spectantis; in aliis, autem, pallida est, et cadaverosa. Saepè quidem fluxus sanguinis ad caput tantus est, ut arteriae temporales et caroticae fortiter micare observentur. Facultas devorandi vel amissa, vel tantùm difficilis et impedita est.

Status alvi nonnunquam a solita nihil mutatus; sed frequentius adèò pertinaciter constipatus est, ut purgantia vel validissima ad eam movendam aegerrimè valeant. Conditiones quoque urinae organorum penitùs diversae aliis aliisque in exemplis existunt; nempè, aeger aut nihil omninò reddere possit, aut stillicidium constans, malum verè molestissimum, fiat; haec, saepe sphincteris paralysi, aliarum

verò fibrarum vesicae musculosarum illa pendens.

Stertor inter spirandum, quod tam saepè cerebrum compressum comitatur, aliquando in hoc morbo abest. Pupilla vel contracta vel praeter solitum dilatata spectatur, et praesertim sub finem lethalem valdè patula, neque lucis stimulo utcunque valido parens.

Secretiones plerumque impeditae ; sudor, tamen, profusus saepè erumpit, et ferè haud faustum indicium habeatur, quia vasa extrema multum relaxata ostendat, mortemque frequenter praecurrat. Tactus ubique corporis plus minus diminutus, paralysin nonnunquam comitatur, earumque imprimis partium quae maximè resolvuntur, quamvis nihil hujusmodi in aliis casibus accidat. Aeger, etiam cum loqui non potest, ejus manum ad caput subindè admoveat, certum indicium doloris ibi loci acuti existentis. Musculi lingua adeò paralytici fiunt, ut ne conatu quidem ullo eam ex ore extrudere queant,
vel

vel si quod factum sit, ad unum ferè latus, quodque primo aspectu mirum videatur, ad latus resolutum, impellatur; cujus rei tamen ratio minimè obscura est.

Partes corporis quae paralyticae fiunt, praesertim si a venenis metallicis in id receptis, vel alio modo ei admotis, veluti a plumbo, arsenico, &c. paralysis oriatur, ferè multùm marcescunt.

Denique observare hìc liceat, hominem hoc morbo aggressum, subito corruere cum sensu et motu voluntario perditis, difficultate, et stertore spiritûs, palpebris vel penitùs occlusis, vel leviter apertis, facie rubrâ vel coloris purpurei, pulsu duro, valido, et pleno. Sanguis e vena missus cùm coit, crustam coriaceam, omninò ei similem, in omnibus morbis inflammationem habentibus, observatae, semper ferè praebet.

CAUSÆ

CAUSÆ.

CAUSÆ hujus morbi excitantes plurimæ existunt, quarum verò omnes auctum sanguinis caput versus impetum efficiendo, vel ejus reditum aliquo modo impediendo, suum effectum nocivum magis vel minùs præstant.

Usus liquorum spirituosorum frequentissima et validissima causa excitans esse haud injustè recenseatur; et hi non modò ad caput sanguinis quantitatem majorem impellendo, sed etiam si in ventriculum magnâ copiâ recepti fuerint, affectu in cerebro tanquam specifico nocere videntur. Exercitatio vehemens, qualiscunque sit, sæpè et facilè eum inducit; veluti risus immodicus, tussis, sternutatio, vomitus, cantus vel clarâ voce loquens, nixusque ad alvum evacuandam validus.

Balneum

Balneum quoque calidum et electricitas causae possunt enumerari. BURSERIUS casum duorum Germanorum militum, fratrum, narrat, qui postquam fumum Nicotianae tabaci plurimum in ora, pignore opposito, inhalaverant, subito apoplectici mortui sunt.

Plena et diuturna inspiratio, et caput in situ inclinato diù retentum, aliquatenus sanguinis ab eo reditum impediunt, ideòque apoplexiam excitant. Affectus animi excitantes, veluti ira, et gaudium; excessus veneris, vapores narcotici, multum caloris externè corpori admoti, qualis praesertim in magnis conventibus accidit, potentissimae causae excitantes, et hic etiam praedisponens, meritò existimantur. Ingens vis capiti illata, ebrietas quocunque modo inducta, ligaturae circa collum firmiter constrictae, tumores ibi loci, et in thorace, vasa sanguinem reducentia ita comprimentes, ut congestio intra caput inducatur, quae etiam à statu vasorum ipsorum morboso fiat, inter causas excitantes jure recensentur.

Ventriculus

Ventriculus quovis cibi aut potûs genere, sed praecipuè naturae valdè stimulantis multùm distentus, et demùm quicquid, vel sanguinis redditum impediendo vel praeter solitum ejus affluxum efficiendo, congestionem in cerebro inducere potest, apoplexiam sanguineam excitet; et hoc modo ratio cur caput subito volutum, corpore simul immoto, hunc morbum faciat, facilè reddi queat. In hominibus malo valdè praedispositis, sanatio ulcerum veterum, quae multum puris effundere solebant, et epistaxis per intervalla rediens suppressa, et haemorrhoides curatae, huic ortum saepè dederunt. Paralysis quae in junioribus interdum accidere observatur, a convulsionibus et epilepsiâ frequenter repetitis plerumque oritur.

Frigus, uti causa excitans hîc non praetermittendum est, et si aequum sit, casum in Diario Chirurgico et Medico Doctoris DUNCAN memoratum, et a Doctore KELLIE apud Letham tractatum, citare volui, quia non tantùm effectus frigoris intensi insignes docet, sed etiam exemplum

plum est eximium illius assiduitatis, et ingenii, et scientiae medicae, propter quae hic semper clariùs enituit, et profectò ob quae solum omnis medicus honorem laudemque meretur. Juvenis annorum sexdecim, et socii aliqui, in naviculam ad horam post meridiem secundam ingrediebantur, atque hinc illinc in sinu navigantes, cùm portum denuò circiter horam quartam petebant, in vado linter illisit. Socii se refectos redituros polliciti eum reliquerunt. Paulo post e littore quidam nautae in puppi extensum eum prospiciebant; sed dormire credentes, nihil mali per aliquot horas suspicabantur; quò tempore frigidus, sensu carens inveniebatur, et ad domum vicinam illicò afferebatur. Ibi Doctor KELLIE ante focum resupinum, ferè exanimem, totum corpus, praeter vultum, cui color naturalis fuit, pallidum, cadaverosum, et admodum frigidum, motu et sensu deficientibus, brevi videbat. Maxilla decidebat; respiratio vix percipiènda; sed pulsus distincti, quamvis irregulares, et tardi sentiebantur; oculi lucis stimulo immobiles manebant; pupillae dilatatae, irregulariter contrahantur.

hebant, perinde ac eos hominis jam mortui interdum Doctor KELLIE perspexit. Humiditas coeli, frigoris effectibus multùm favebat; et aeger ipse, priùs a fatigatione et inediâ infirmabatur; sed idoneis remediis fortunatus ad sanitatem fuit redactus.

Exemplum notabile hujusmodi frigoris effectuum, memoratur in tomo secundo celeberrimi Centurionis COOKE cursuum maritimarum, a Doctore HAWKSWORTH editorum; sed non oportet narratio propter longitudinem hìc locum habeat.

Illustrissimus BOERHAAVIUS cùm iter in curru leviori per Bataviam faciebat, ab algore in maximum vitae discrimen versabatur. Torpor per omnia membra primò serpsit, et paulatim cupido dormiendi tanta fiebat, ut ne ampliùs, quamvis periculi minimè fuit ignarus, resistere posset. Auricula, qui ab casuum similitum experienciâ ejus effectum lethiferum cognoverat, eum diu frustrà convocans, flagellum libèrè

liberè applicavit, quo parùm dubii sit, quin a morte instante eriperet.

Frigus in hoc morbo excitando agere ita videtur, ut sanguis a corporis superficie depellatur, ideòque congestio in partibus internis, imprimis in cerebro, fiat; quo compresso, iste sopor, tam apoplexiae similis, ferè non resistendus, accidit, et si non diligenter caveatur, et festinanter fugatur, vix non hominem extinguere poterit.

Demùm, quosdam valdè proclives, nullâ causâ excitante admotâ, adoriri observatur, scilicet, praedisponens facta sit causa excitans. In plerisque tamen exemplis, aliquid praeter causam praedisponentem, nunc leve, nunc gravius, ut morbus insultet, efficit. Denique ista constipatio senibus familiaris, plethoram gignendo et congestioni favendo, proclivitatem, siqua profectò in corpore adfuerit, maximè auget.

Praecipuae causae praedisponentes hae sunt, nempe, plethora generalis ; victus nimis lautus, ususque liquorum spirituosorum et fermentatorum quotidianus ; caput praeter solitum magnum, collum breve ; assuetae evacuationes suppressae ; et aetas provectora.

DIAGNOSIS.

DIAGNOSIS.

MORBI quibuscum Apoplexia Sanguinea confundi possunt, perpauca inveniuntur. Syncope, Epilepsia, et interdum Hysteria, ferè enumerantur. Ab horum primo facilè dignoscatur motu cordis et arteriarum haud deficiente, stertore spiritûs, et colore faciei livido.

In Epilepsia, convulsiones laterum corporis amborum vehementes, praecipuè vultûs musculorum, ex ore spumans, et aura epileptica praecedens, ab apoplexia satis et facilè eam distinguunt.

Vix aut ne vix quidem, ut opinor, inter hanc et Hysteriam confundatur, quanquam in exemplis quibusdam foeminarum habitûs pleni, et valdè obesarum, symptomata haud apoplexiae absimilia nonnunquam se produnt; plerumque autem pulsus naturalis, respiratio irregularis, scilicet

scilicet nunc tarda, nunc festinata, suspiratio, convulsiones, vel totius corporis contortiones, globus Hystericus, diagnostica satis valida habentur.

Ebrietas aegerrimè ab hoc malo aliquandò distinguitur, et eò magis quòd apoplexia mòx pòst multum vini hausti accidere possit; pulsus verò parvus, debilis, et frequens, cum facie pallida, et peculiari stolido oculorum aspectu, in diagnosi formanda utilissimus est. Oportet etiam historia vitae, et aegri pristinae valetudinis nunquam negligatur.

PROGNOSIS.

PROGNOSIS.

Cum organum et vitae, et sanitati tam necessarium, in hoc morbo laesum esse reputemus, certè oportet, ut de fine sive laeto, sive infelici, cautissimè praedicamus. Si aeger juvenis sit, vitamque temperatam, et pudicam degerit, antequam omnia si impetus lenis fuerit, et symptomata, idoneis remediis adhibitis, multùm et citò se remiserint, parùm ferè obstat, quo minùs prognosin quodammodo faustam statuamus.

Contrà autem siquando morbum signa vehementia, veluti sensus et motus voluntarius omnino deficientes, stertor spiritûs, sopor altissimus, vultus plurimùm suffusus, pulsus parvus, debilis et irregularis, sudores per totum corpus frigidi et viscidi, pupillae dilatatae, neque lucis stimulo parentes, comitentur, et ne sanguinis missioni cedant, quod effusionem alicubi in cerebro

rebro factam semper ferè docet, sed prae fractè persistunt, cum urinae et alvi evacuationibus invitis, exitus infaustissimus est expectandus; eòque in angusto magis spes erit, quò plures accessus expertus fuerit.

RATIO

RATIO MEDENDI.

Cum proclivitas cujuscunque corpori haeret, et morbi instantis indicia planè perspiciuntur, vel magis adhuc, si priusquam eum detinuerit, oportet regimen antiphlogisticum strictiùs praescribatur; veluti a liquoribus fermentatis et spirituosus abstinentia, cibus praecipuè ex frugibus, potus ex aqua, cujus verò quò minus, eò melius.

Sales medii purgantes frequenter exhibiti, ita ut aliquandiu alvus bis terve in die cieatur, exercitatio modica et crebra, haud immeritò perutilia laudantur.

Fonticulus alicubì in corpore excitatus, sanguinis detractio per cucurbitulas cruentas vel hirudines admotas, semper conveniunt; neque parum commodi praebent. Hujus missio autem
generalis

generalis sæpè iterata, plus nocere quàm prodesse ferè reperietur, quippè quæ, ut benè notum est, sanguinis molis incremento nonnihil faveat, ideòque proclives malo magis opportunos reddat; qui certo tempore anni quidquam humoris ejus, viâ arte factâ, amittere assueti, si fortè hanc consuetudinem neglexerint, statim malè quodammodo se habent; et plethorâ sic inductâ, spontaneis sanguinis profluviis se ipsam exonerare Natura conatur, cujus aemuli nunquam in aegris talibus huic non animum attendere debemus.

Remedia, apoplexiâ jam aggressâ, efficacissima admodum promptè adhibenda sunt, quorum omnium optimum aestimatur venaesectio. Cùm ad aegrum primùm advenimus, in locum spatiosum afferendus est; ejus caput et humeri elevanda; et quicquid sanguinis reditum ex illo impediens, uti ligatura circa collum, &c. removeri debet; deindè, ipso facto, sanguis ad uncias triginta, vel secundum hominis vires, abstrahatur, et prout res postulaverit, iteretur; neque a qua
corporis

corporis parte, dummodo satis eliceatur, multùm refert.

Si ventriculus a cibi aut potûs onere grave-
tur, vomitorium, quale corpus minùs irritet, et
agitetur, ejusque effectum celerrimè efficiat, sci-
licet, sulphas zinci, pulvis ipecacuanhae, vel in-
fusum anthemidis nobilis, administrandum sit ;
venâ tamen semper priùs apertâ.

Purgatio alvi plena etiam instituenda est, cùm
devorandi facultas adhuc manet ; sin minùs
enema purgans ejiciatur, et sic frequenter du-
cenda, donec medicamenta per os assumere va-
leat. Validiora purgantia, nimirùm, gambogia,
colocynthis, jalapa, et eorum quoque copiâ mag-
nâ, ut alvus satis moveatur, plerumque requi-
rantur.

Aqua frigida, vel cum aceto mista, vel solutio
salis ammoniaci, vel aether, capiti abraso et aëri
exposito, multo commodo applicentur. Fortassè

haud ineptum fuerit interdum crura fovere et calidâ aquâ lavare.

Si aliquid membrorum paralyticum factum esse videbitur, ad omne auxilium, quod ullo modo ad pristinum statum sentientem reducere possit, statim confugiendum est ; et ad hunc finem vesicatorium artui affecto admotum, frictio panno laneo et linimentis stimulantibus maximè laudantur. Porro, aegrotus, si omninò fieri possit, eum assiduè movere debet ; sin minùs, conatus etiam ipsi movendi multùm prodesse reperientur, et semper igitur suadendi sunt. Scintilla electrica in paralyti a quibusdam maximè celebrata fuit ; sed de ejus utilitate, nisi in iis casibus a venenis metallicis assumptis, veluti post colicam pictonum, exortis, aliquis dubitandi locus existere queat.

HAEC

HAEC, postremò, sunt, quae de Apoplexiâ Sanguineâ dicenda habui ; et quamvis perplurima disputatione digna adhuc supersint, me, his omissis, magis invitum quàm conscium errâsse facilè confiteor, igiturque fretus judicum penitùs clementiâ, hoc tentamen, qualecunque sit, nunc subjicio.

FINIS.

